

The Electronic *Manipulus florum*
www.manipulusflorum.com

Aduocati h
cum fonte primo

Miror namque quomodo religiose
aures tue audire sustinent huiusmodi
disputationes aduocatorum
et pugnas uerborum que magis
ad subuersionem quam ad inuentionem
proficiunt ueritatis.

Nichil enim ita absque labore ←
manifestam facit

ueritatem sicut breuis et pura narracio.
Precide ergo linguas uaniloquas
et labia dolosa claude.

Hii sunt qui docuerunt linguas suas loqui
mendacium, disserti aduersus iusticiam,
eruditi pro falsitate;
sapientes sunt ut faciant malum,
eloquentes ut impugnent uerum.

Bernardus ad Eugenium libro I. capitulo
IX.

Miror namque quemadmodum religiosae
aures tuae audire sustinent huiusmodi
disputationes advocatorum
et pugnas uerborum, quae magis
ad subuersionem quam ad inuentionem
proficiunt ueritatis.

Corrige prauum morem et
praecide linguas uaniloquas,
et labia dolosa claude.

Hi sunt qui docuerunt linguas suas loqui
mendacium, diserti aduersus iustitiam,
eruditi pro falsitate.

Sapientes sunt ut faciant malum,
eloquentes ut impugnent uerum.

Hi sunt qui instruunt a quibus fuerant
instruendi, adstruunt non comperta, sed
sua; struunt de proprio calumnias
innocentiae, destruunt simplicitatem
ueritatis, obstruunt iudicii uias.

→ Nihil ita absque labore
manifestam facit
ueritatem, ut breuis et pura narratio.

Bernardus Claraeuallensis, *De
consideratione ad Eugenium*, 1.10.13
(SBO 3, J. Leclercq, C.H. Talbot, H.M.
Rochais eds., p.408, ll.11-21).